

【輯一】

吾土 ——地景篇

1-1 灰鶴¹倒影——記左營原生植物園

¹ 客語「灰鶴仔」，就係華語個「蒼鷺」。

1. 飛過凝凍个歐洲亞洲大陸地
2. 一段海水不可斗量个旅程
3. 飛高飛低
4. 穿窿在時空必縫中央
5. 翼胛頂還留有一屑霜雪
6. 落腳在舊年同一叢柳樹下
7. 孤身立在風中
8. 恬恬像疍背个老耕田人
9. 日日巡田水
10. 掌等繁華之外个一丘埤塘
11. 在這平鏡个湖面一企就完下畫
12. 企做一道風景像老和尚入定
13. 水仙花在水紋頂激激顫啊顫
14. 大鯉嬾躍水掀動一釣勾个平靜
15. 莫內²世界在這位搖搖晃晃
16. 敢問你識恤起你个前生無
17. 寒潭一白影
18. 任風雨攪吵
19. 行過个衆生顛倒
20. 木橋頂上下相印
21. 倒映過去
22. 望想未來
23. 水面頂个身係你？
24. 水面下个影係你？
25. 照看身影變做雙生个納西瑟斯³

² 莫內（Claude Monet），法國印象派畫家。

³ 納西瑟斯（Narcissus），希臘神話人物之一，傳說愛著水面頂自家個倒影，最尾化做一叢水仙花。

26. 嗰咁曾識得自家个本來面目

27. 細步輕移

28. 踏皺一湖春水

29. 天光雲影

30. 恁佢仰般變幻

31. 現實摺真實相差係有幾遠

32. 一水个距離

33. 一年个分離

34. 抑係一生个顛沛流離？

35. 思念淦淦流連到他方

36. 無提妨

37. 鄉愁斯浮出水面

38. 啄啊啄翼胛

39. 爪啊爪白頭

40. 就會清醒看著家鄉

41. 在水面 在心頭頂

42. 在山背某一角个塵光頂

43. 浮雲隨風

44. 落花飄零

45. 水光搖出倒影

46. 倒影浮現跳上跌落个波光

47. 日頭堵堵正落幕

48. 人影慢慢就散忒

49. 埤塘唇

50. 石礮旁

51. 昏暗个月光下

52. 會有一抹毋盼得个身影
53. 跔在流光歲月之外
54. 預告春分就會到來
55. 料想過一擺
56. 啟腳高飛个好時辰
57. 乜注文定明年共樣時節个
58. 一期一會

～ 國立臺灣文學館，2024 年「臺灣文學獎」客語新詩首獎



1-2 繡花—記杉林溪

1. 重重跌落在地

2. 萬紫千紅个春光下
3. 穿林打葉
4. 春頭磕額
5. 來到文字大海
6. 恬風息氣晨光當頭
7. 慧神慧神
8. 撞走也毋知好轉

9. 係仰般个境地
10. 仰般个清明正做得
11. 風無動
12. 雲無動
13. 心無動
14. 念無動
15. 任天光雲彩
16. 任花開花落



17. 親愛个你
18. 請摺個講生命个弦愛仰般挨到尾章
19. 世間个路愛哪時正行得出迷宮
20. 問天天朗朗
21. 問花花不語
22. 斯有日頭發出和和接接个燒暖
23. 對個淺淺 淺淺
24. 微微个一笑

1-3 溜苔—記見晴古道

1. 一溜里來

2. 鋪淦个石礮
3. 一路遶到遠方
4. 毋多知
5. 殘留个脚迹就看毋識
6. 笑聲隨風去也聽毋著
7. 深山嶠頂濛煙白紗蓋天蓋地
8. 一段記憶過宕
9. 無跔著溜苔个脚跡
10. 停舵在這位
11. 青里里 光華華
12. 毋曾焦黃過
13. 溜苔無聲
14. 在雙板橋做畫
15. 在識做過青堂瓦舍个屋蓋頂
16. 爬到淦淦
17. 石牯面古文斑斑
18. 小篆也寫到歪歪扭扭
19. 貴貴个溜苔書
20. 時光包包囡囡
21. 為記憶染色
22. 為風霜繡花
23. 言曾磨滅个故事
24. 隨等竹橋歲月恹恹行過



1-4 風車

1. 防風林外背
2. 風景第一排
3. 隻隻高高个衛兵磴磴企等
4. 來回巡防
5. 官舒開个濛天
6. 雄心早就起飛
7. 鋼鐵一般个志氣
8. 抵擋得十二級个陣風
9. 鋼鐵膠風膠海水
10. 麼儕係世間最堅強个力量
11. 著等掀開舞裙个靚阿妹
12. 循等白色記憶挨了一圈又一圈
13. 孤身在野天鵝湖畔輕步行過
14. 月光撒下个碎玻璃瞞啊瞞
15. 柴可夫斯基⁴个音樂前奏一響起
16. 在光影交織个海面頂
17. 凝心合掌
18. 向天地獻上最虔誠个祭舞
19. 海上來个風
20. 撥向大地一片清涼
21. 荒島上一群無聲个人像
22. 還佇該⁵深情瞭望
23. 望穿秋水
24. 望風再來
25. 望向最遠个該粒星

⁴ 柴可夫斯基，係俄國有名個作曲家，也係芭蕾舞劇曲〈天鵝湖〉個創作者。

⁵ 「佇該」，音 duˊ gai，華語「在那」個意思。

26. 惦惦聽海浪訴說老古个故事
27. 一遍又一遍
28. 時間化作鹽田結晶
29. 風雨雕刻出佢个面容
30. 約定一生守望這片土地
31. 堅定个信仰
32. 毋識添放過



1-5 山蕨

1. 落濕青石旁
2. 山蕨跔等蹶山
3. 跋上跋下崎頂企
4. 過了一山又一山
5. 就算縫罅斯伸一抓泥
6. 也做得生出一大片青綠生命
7. 記憶當年个細路
8. 腦海肚个比現實肚个還較清楚
9. 係毋係順等原路直直趟
10. 就做得倒轉本旦个所在
11. 展開羽毛个葉
12. 承接風霜雨露个敲打
13. 無問世事个鄉間老秀才
14. 展開一頁一頁个青皮書
15. 在一行又一行孢子文字肚
16. 讀出一息古書个道理
17. 過去ㄟ曾去
18. 未來ㄟ識來
19. 時間係麼个
20. 佢勾做一隻大問號向天問
21. 生命係麼个
22. 佢打出大大細細看毋識个摩斯密碼⁶
23. 植根在這片家園
24. 探聽土地深底傳來个消息

⁶ 美國人薩爾摩斯發明個，用有時連有時斷排列無共樣個密碼來傳達訊息。

25. 在篩過光線个陰影下咬嚼時光个味道
26. 在沾有露水个石壁頂拓印出碑文
27. 林間个風 腳下个石講麼个古
28. 全都留分後人去解讀

